

84

B17

Кокни боротод СлымС Чиротод



44-89-08

КОНТРОЛЬНЫЙ ЛИСТОК

СРОКОВ ВОЗВРАТА

КНИГА ДОЛЖНА БЫТЬ

ВОЗВРАЩЕНА НЕ ПОЗЖЕ

УКАЗАННОГО ЗДЕСЬ СРОКА

Колич. пред. выдач.

1608.14

84

B17

99
04
11

Либерт Ванеев

Кокни оорьдэ
Лым
Чирьдэс

КЫВБУРЬЯС
КЫВБУРА ВИСТЬЯС
НӨДКЫВЬЯС

354030

посни чедьды лыддьом выло

Республиканская
ДЕТСКАЯ БИБЛИОТЕКА
ИМЕНИ С. М. МАРИШАКА

СЫКТЫВКАР
КОМИ КНИЖНОЙ ИЗДАТЕЛЬСТВО
1996

84.2 Рос - Коми
В 17

Серпасалис В. А. Клейман

Ванеев А. Е.

В 17 Кокни бордъя лым чиръяс: Кывбуръяс, кывбура висетьяс, нӧдкывъяс. — Сыктывкар: Коми книжнӧй издательство, 1996. — 64 л. б.

ISBN 5-7555-0567-5

Альберт Ванеев — Коми Республикаса народнӧй поэт — ёнджыкасӧ тӧдса аслас кывбуръясӧн да поэмаясӧн, кодъясӧс гижӧма верстьӧ арлыда лыддысьсысьяслы. А "Кокни бордъя лым чиръяс" кывбура книга лоас козинӧн школаын медводдза вояс велӧдчысьяслы. Кокни кывйӧн гижӧм тайӧ кывбур чукоръс чуйдӧдӧ радейтны ассынӧм Коми му, чужан вӧр-ва да эни олысь зверь-пӧткаӧс, зиль да уджач войтырӧс.

84.2 Рос-Коми

В $\frac{4803310200 - 004}{М 128 (03) - 96}$ 5 — 96 м

ISBN 5-7555-0567-5

© Ванеев А. Е., 1996
© Клейман В. А., художник, 1996
© Коми книжнӧй издательство, 1996

КЫВБУРЬЯС





Во гөгөр

ургёны кө шорьяс,
Одйё сылө лым,
Ыбьяс весьтын гора
Сяркөдчө кө гым,
Сідзкө, войвыв мулы
Чолөм ыстө тулыс.

Шонді качө вылө,
Енэж лөзысь-лөз,
Лунтыр видзьяс вылын
Турун пунктө йөз,
Сідзкө, Эжва вожө
Бара воис гождөм.

Вөр-ва быттьө узьө,
Ыбын ставыс куш,
Асья кадө усьө
Лысва пыдди пуж,
Кызлөн корйыс зарни,—
Сідзкө, воис ар нин.

Лымъя ягын-сёнын
Унзіль пожөм-коз.
Тыяс-юяс вомөн
Водіс йиа пос.
Вуджам мөдлапөлө...
Видза олан, төлөй!

Тулыс

Шонді быд лун кутіс качны
Вылө-вылө.
Пышйис сылөн төвся унмыс
Ылө-ылө.

Визувтöны-вильшасьöны
Вөрса шоръяс,
Нырсö мыччöмаöсь талун
Кыз пу коръяс.

Гөн да вольöс шоныд позйö
Чикыш вайö.
Талун медводдзаысь кывлім
Колипкайöс.

Öшкамöшка югыд кисö
Мыччис юлы.
Войвыв муö, чужан сиктö
Воис тулыс!

Тувсов кадö

Ваяс тулыс, садьмас кор,
Уна чуймöданатор.
Тувсов кадö
Вежсьö ладыс:
Дурö-ышмö нимкодъ лов.
Ставыс ловзьö,
Мöд ног овсьö,
Некод гажтöма оз ов.

Тувсов кадö войся сюзь
Весиг луннас оз жö узь...

Люкасьöны порсь да меж.
Вензьöны сэк: тэ пö кеж!
Кык кок вылын ветлö чань,
Понйöс повзьöдлö сэк кань.

Тувсов кадö
Вежсьö ладыс:
Дурö-ышмö нимкодъ лов.
Ставыс ловзьö,
Мöd ног овсьö,
Некод гажтöма оз ов.

Ытва дырйи

Кодыр небзяс тöвся йи,
Жугласяс да кывтас,
Сэк мотора пыжөн ми
Тövзям визув вывтi.

Тувсов кадö вежöсь
Вөр, и видз, и му.
Шуньгö-кывтö Эжва —
Саридз пасьта ю.

Вунödасны тöвся ун
Тэрыб теплоходъяс,
Оз косьмывны вой ни лун
Ваö лэдзöм бордъяс.

Тувсов кадö вежöсь
Вөр, и видз, и му.

Шуньгö-кывтö Эжва —
Саридз пасьта ю.

Сырчик

Потш вылö пуксис:

“Чик-чик, чи-рик!

Аддзанныд менö,—

Ме öд — сыр-чик!”

Висьталіс сійö:

“Чирик-чик-чи,

Кылалас регыд

Ю вылысь йи!”

Сырчиклы радöсь

Пöрысь и том —

Кöдзыд лун-войлы

Воöма пом.

Дзоридзалысь льöм

Миян öшинь улын

Сулалö веж льöм.

Розъялö быд тулыс,

Кышö еджыд рöм.

Еджыд платтьö дасьта,

Вура лун и вой,

Медым льöмйыс чайтас,

Мый ме сылön чой.

Нюмным сэк оз куслы,
Сьёлём овлө рад:
Кыкнаннымлы муса
Дзоридзалан кад.

Ми вöчам зарядка

Физзарядка он кö вöчöй,
Шуам тiянлы ми стöча:
Быд кöдзыдысь кынманныд,
Да и ньöжйö быдманныд.

А ми воккöд кыкөн
Ог на вой пикö:
Мед кöть жар, кöть кöдзыд,
Физзарядка вöчам —
И ог висьлöй ми,
Ёнöсь кок и ки!

Гожöм

Зарни шондi, югид шондi
Шорьяс косьтiс.
Берегдорса пöрысь козийöс
Унзиль босьтiс.

Вежсис мöдлапöвлөн паськöм —
Быдмис турун.
Войтыр кийн пелька ворсö
Коса-куран.

Миян бaть-мaм уджaлoны
Бьд лун сeрoдз.
Аддзaн, бeрeг пoлoн сувтiс
Кьмын зoрoд!

Гoжсья лунo

Гoжсья лунo,
Шoныд лунo
Вoзйo ьвлa югьд мич.
Гoжoм шoрын
Чoскьд кoрoн
Oвтo мoдлaпoвсa вьдз.

Сиктсa йoзыс
Гoжoм чoжьс
Вoчo ьтшкaн-куртaн удж.
Мeдым тoлын
Oлiм йoлoн,
Киссьo ньылoм, чoжсьo мудз.

Куртaн уджьсь
Кoр мe мудзa,
Лeччa купaйтчьны сeк,
Сeсья сeрoдз
Oктa дзoридз —
Мaмoй нимкoдьясьлo вeк.

Пожӧм

Воас гожӧм —
Радлӧ пожӧм,
Немся майшасьӧм оз тӧд:
Зэрӧн мыськӧм
Ӗвтчӧ лыскӧн,
Вӧтавлывлӧ югыд вӧт.

Тӧлын сырмӧ,
Лымйӧн тырлӧ,
Пашкыр юрыс овлӧ дзор.
Лым вевт улысь
Мездас тулыс,
Шондӧ югӧр инмас кор.

Сэтӧр либӧ петшӧр?

Быд асыв юалӧ Таня:
“Мый талун ваян, мама?”
“Баблысь кӧ кывзысян —
Сэтӧр.
Он кывзысь —
Вая петшӧр”.

Таня лючки-бура
Киськалӧма лук.
Сетыштӧма турун,
Мед эз тшыгъяв кук.
Котӧртлӧма шорӧдз,
Кӧтӧдӧма корӧсь,

Чышкөма быд жыр,
Кытчө көть он пыр.

Юалө рытьявыв Таня:
“Мый талун вайин, мама?”
Мамыслөн нюмыс сэк петіс:
“Вайи со, нылук, сэтөр!”

Бөрдись-няргысь

Ичөт Кимлөн сэтшөм сям —
Пыр мед мамыс орччөн.
Видз вылө кө модас мам,
Бөрддзас Ким: оз кольччы.

Ачыс — ичөт, гөлөс — ёсь:
“Мамө, мамө, сьөрсьыд босьт!”
Өтчыд сэсся мамыс,
Жальсьыс либө скөрсьыс
Нуөдіс видз вылө
Кимөс аскөд сьөрсьыс.

Мунігас нин мудзис Ким,
Мунігас нин вазис син.
Эз кө эськө ачыс вөтчы,
Важөн сыркьялөмөн бөрддзис.

Миян Ким өд зэв на ичөт,
Оз төд мездьсьнысө кыдзи,
Курччалісны лөдз и ном:
Воас оз-ө лунлы пом?

Бара бөрдө-лябө Ким,
Бара сылөн вазьом син.

Лоис вайны сиктö
Зонмöс пестер пытшкын.

Ичöt Кимлы көть и шог,
Тшötшъяяслы серам...
Но öд сылөн мудзис кок,
Мый нö сэсся керан?!

Ягын петис дона гоб

Усис лышкыд шоныд зэр,
Мыссьом вөрлөн вежсис сер.

Зэрöй, зэрышт,

Сэсся коб.

Ягын петис

Дона гоб.

Вөрö мунны пестер дась,
Ельдög-рыжик аддзам тась.

Зэрöй, зэрышт,

Сэсся коб.

Ягын петис

Дона гоб.

Вözъяс миян яла яг
Солалан и пуан тшак.

Зэрöй, зэрышт,

Сэсся коб.

Ягын петис

Дона гоб.

Пармаса ёль

Варов ёль ме,
Сельга-тельга
Изъяс вывті пышйигтыр.
Пета вёрысь,
Парма шёрысь,
Йёзёс юктавла ме пыр.
Чёскыд ваёс
Йёзлы вая —
Аслам нимкодьёй оз чин.
Радлун босьтё,
Кор ме восьта
Зонпоснилысь унзиль син.

Сылан-ворсан праздник

Челядь садйё волам,
Ёртасям да олам,
Быд лун вёчам асьным
Сылан-ворсан праздник.
Коді кужё йёктыны,
Сылы оз ков тшөктыны:
Тувччы, тувччы,
Тэрыб кок,
Йёктан кытшө,
Татчө лок!
Кыкысь оз ков тшөктыны,
Коді кужё йёктыны.
Киё дзоридз босьтам,
Хоровод ми восьтам,

Гудок шы кө кылам,
Йөктігтырйи сыылам.

Гажа хоровадын
Нимкодьясьом содө:
Сьөлөм вылын долыд
Кокни бордья лолыд.

Коді кужө йөктыны,
Сылы оз ков тшөктыны:
Тувччы, тувччы,
Тэрыб кок,
Йөктан кытшө,
Татчө лок!
Кыкысь оз ков тшөктыны,
Коді кужө йөктыны.

Көчильёй-чойильёй

Көчлөн-мамлөн көчпиян
Вөрын чужисны.
Варыш-сюзысь дзедьсыны
Өдва кужисны.

Көчильёй да кузь пельёй,
Чеччы, скок да скок!
Көчильёй да чойильёй,
Миян динө лок!

Мамыс асьыс пиянсө
Нюлө-шыльөдө.

А лёк көин гусявны
Найөс кыйөдө.

Көчильёй да кузь пельёй,
Чеччы, скок да скок!

Көчильёй да чойильёй,
Миян динё лок!
Турун пөвстти, вөр дорти
Руч нин уялө,
Дурысь-ворсысь көчьясөс
Горша туялө.

Көчильёй да кузь пельёй,
Чеччы, скок да скок!
Көчильёй да чойильёй,
Миян динё лок!

Ар

Шонди оз нин ассыс югөр
Соддзөн кояв:
Енэж нюмъявлө и бөрдлө —
Ар нин воис.

Сидзи нюжөдчөма ыбын
Воом рудзөг —
Он кө кок чунь йылад сувтлы,
Шеп он судзөд.

Йёзыс видз вылө оз лэччы —
Ыбө кайө.
Колө тэрмасьны: оз виччысь
Урожайыс.

Колип, колип

Муса ичөт колипкайй,
Лунвывланыö лэбзян кор,
Ылі муын, саридз сайын
Чужанінтö тэ эн ёр.

Чужан мулөн,
Дона мулөн
Шоныд сьөлөм,
Мелі сыв.

Колип, колип,
Тöлыс коляс —
Сылам тувсов
Сыланкыв.

Кор тэ, колип, гортись муниң,
Вежсис ывла вывлөн сер:
Пемдiс войыс, дженьдiс луныс,
Бöрдiс енэж, кисьтiс зэр.

Кор тэ, колип, гортö воин,
Турун-цветөн эжсис му.
Сэки, югыд тувсов войын,
Кывтiс нюмъялигтыр ю.

Чужан мулөн,
Дона мулөн
Шоныд сьөлөм,
Мелі сыв.

Колип, колип,
Тöлыс колис —
Сылам тувсов
Сыланкыв.

Аддзысьлытөдз, лэбачьяс!

Тэрмасьоны лэбачьяс,
Мыйон воас ар:
Сэтчө найо муноны,
Во чөж көнi жар.

“Ветлөй лючки-бура,
Дзодзөг, юсь и тури!
Сөмын эн жө вунөдөй
Ассыд чужанiнтө,
Ставныд шоныд тулысын
Локтөй мян сиктө!”

Спутник

Лэбзьө спутник:
“Пик-пик-пик!”
Аддзө менсьым
Чужан сикт.

Да и ме тшөтш
Аддза сийөс,
Чолөмала
Веськыд киөн.

Спутникыслөн
Ыджыд эбөс,
Өдйө-өдйө
Сийө лэбө:

Гашкө, кывбур
Лыддигкості

354030

Москва карсянь
Татчөдз локтіс.

Сюрук

Мөсным еджыд сюра,
Нимыс сылөн Сюрук.

Дөзьөрита бура,
Сета ва и турун.

Сюрук овлө шуда,
Колльода кө лудө.

Йирсянінысь каяс —
Йөвсө уна ваяс.

Пөта чөскыд йөлысь —
Унмовся ме вөлысь.

Катшыс

Батькөд вөравлывлө сійө,
Корсьө тулан, увтө ур,
Парма ягысь пөтка кыйө —
Сыысь пелькыс мөд оз сюр.

Лэчыд синма,
Сюсь да ён,
Катшыс нима
Миян пон.

Понйӧс виччыся ме сэки,
Кытчӧдз вӧрысь оз во бать.
Сэссия Катшыс ворсас мекӧд —
Исласигӧн кыскас дадь.

Лэчыд синма,
Сюсь да ён,
Катшыс нима
Миян пон.

Дорйӧ сійӧ, кодӧ ичӧт,
Овлӧ сэн, кӧн челядь тыр,
Тӧв и гожӧм керка видзӧ —
Гусьӧн некодӧ оз пыр.

Лэчыд синма,
Сюсь да ён,
Катшыс нима
Миян пон.

Бадь пу пӧлян

Быдтор кужысь пӧльӧй
Вӧчис бадь пу пӧлян.

Шыыс ылӧдз кылӧ:

Колип ногӧн сьылӧ:

Чив-чив-чив да

Ту-ту-ту,

Садьмы вӧр-ва,

Садьмы му.

Асывнас ме чечча,

Эжва дорӧ лэчча.

Лэчыд пӧлян горсьыс

Аслам лолӧй ворсӧ:

Чив-чив-чив да

Ту-ту-ту,

Садьмы вөр-ва,

Садьмы му.

Пöлянöйлөн гөлөс

Вуджö мөдлапөлөдз,

Лэбзьö ылö-ылö,

Качö вылö-вылö:

Чив-чив-чив да

Ту-ту-ту,

Садьмы вөр-ва,

Садьмы му.

Төв

Шоча петавлө вөр весьтö

Дышмөм шондi.

Дыр оз серав ланьтөм вөркөд —

Узьны пондiс.

Еджыд эшкынöдiс вöрсö

Гөн кодь лымйыс.

Кытчö усйысисны öнi

Чардыс, гымыс?

Вына трактор мургигтырйи

Лымйöд собö:

Вöрысь кыскөм керлөн лыдыс

Быд лун содö.

Төлөй, төлөй

Төлөй, шаньон ло тэ,
Бушколон эн лэб,
Чорыд, көдзыд ловтө
Пыдө-пыдө дзеб.

Төлөй, төлөй, төлөй,
Пөльышт небыд ру.
Төлөй, төлөй, төлөй,
Шонты чужан му.

Ло тэ, төлөй, бурон,
Скөравны эн мөд,
Эн тэ гартлы турөб
И эн гудрав слөт.

Төлөй, төлөй, төлөй,
Пөльышт небыд ру.
Төлөй, төлөй, төлөй,
Шонты чужан му.

Гожөмнас ло мелі,
Шонты лэбач поз.
Вотчисны мед челядь,
Быдты өмидз-оз.

Төлөй, төлөй, төлөй,
Пөльышт небыд ру.
Төлөй, төлөй, төлөй,
Шонты чужан му.

Вөсни кока истан

Лыа дорын истан,
Вөсни кока истан
Жбыръялө да йөктө,
И оз ланьтлы чөв.

Вөсни кока истан,
Миянлы тэ висьтав,
Коллялан тэ көні
Кузь да көдзыд төв?

Вөсни кока истан,
Гашкө, синва кисьтан,
Казьтылан кор парма,
Дона Эжва ю?

Вөсни кока истан,
Миянлы тэ висьтав,
Кутшөм донөн позьө
Донъявны ас му?

Кокни бордъя лым чирьяс

Көдзыд пөльтысь кымөрьяс
Йизьөдісны ю.
Кокни бордъя лым чирьяс
Едждөдісны му.

Усьө лым,
Усьө лым
Көч гөнысь на небыдджык,
Байдөгысь на еджыдджык

Усьö лым,
Усьö лым...

Лымъя кадö-пöраö
Кыйсьысь мортлы бур,
Со и муно вöравны,
Кыйны сьöла-ур.

Тöвлы чолöм висьтавны
Нимкодь овлö пыр.
Даддьöн-лызьöн иславны
Корö ю дор кыр.

Усьö лым,
Усьö лым
Кöч гöнысь на небыдджык,
Байдөгысь на еджыдджык
Усьö лым,
Усьö лым.

Йиа кыр

Эм кө сиктын йиа кыр,
Челядь чукөр сэні пыр.
Петя ислалö конькиён,
Ичöt каньсö кутö кийн.
Геня водис пöвтор вылö —
Увлань юрөн гургö-кылö...
Сöмын Вова, лёк көть бур,
Мем пö нинöмтор эз сюр:
Лэдзалöма шапка пель,
Верзьöмалöма портфель.

Даддя поезд

Лөсьыд жö нин
Төвся лун,
Чужом вылын
Ворсö нюм.

Даддя поезд
Корö туй:
“Кежой, челядь.
Ту-ту-ту!”

Куслытөм би

Өзйö куслытөм би,
Некор куслытөм би
Гажа сад йöрын,
Кремль дорын матын.
Өзйö би лун и вой,
Сэни куйлө герой —
Сэтчö дзевöма
Төдтөм салдатос.

Сылөн вöли бур ним,
Вöли ас чужанін,
Сöмын өнөдз
Эз төдмавны сійос.
Со и лоис салдат,
Öти повтөм салдат
Чужан мунымлөн
Отувья пиөн.

Öййө куслытөм би,
Некор куслытөм би
Гажа сад йöрын,
Миян Москваын,
Сэтчө волам на ми,
Улөдз копыртчам ми,
Ловъя дзоридзьяс
Моздор тыр ваям.

Артекин

Кöни шоныд море,
Гожөмбыд көн жар,
Гызьö кыпыд горөн
Пионерскöй кар.

Флагьяс море дiнын
Дöлалöны век.
Челядь карлөн нимыс —
Шондiа Артек.

Быдлаысь, быд помысь
Ныв-зон шойччö сэн:
Роч, якут и коми,
Ненец и туркмен.

Сэтчö таво гожөм
Ветлис и Антон —
Войвыв Изьва вожысь
Зиль да писькöс зон.

Мый Артекин йитчö,
Сэссия нэм оз ор.

Африкаса Кито
Лоис медбур ёрт.

Сылөн чужан муас
Оз и усьлы лым,
Сэтчөс визув юяс
Оз овлыны кын.

Чужанін Антонлөн
Тундрабердса сикт:
Йиа саридз то нө
Нөйтчө орччөн дзик.

Африкаса ёрткөд
Дружба сөдз да ён:
Ыстө лымья гортсянь
Письмөяс Антон.

Узьлан жырийö пырас ун

Шумыс-зыкыс бырас да
Кусас-ваймас лун,
Узьлан жырийö пырас сэк
Кокни, мелі ун.

Небыд сылөн воськолыс,
Пырас кор — он төд.
Ваяс сійö аскөдыс
Гажа, югыд вөт.

Вөтася ме сы йылысь,
Кутшөм мамөй бур:
Мелі киён шыльөдлө
Идзас рөма юр.

Тракторист

Батьёй бур уджён
Нималё сиктын.
Төдөны быдён
Зиль трактористөс.

Ар пом көть, төв шөр көть —
Оз пукав гортын:
Югдигён мунё да
Пемдигён локтё.

Кыскалө керьяс
Трактор төв шөрын,
Шондіа тулысын
Ыб вылын гөрө.

Гожём оз шойчөд —
Оз вичмөд кадтор:
Мөдлапөв видз вылын
Журөдчө трактор.

Ытшкө и, куртө и,
Турун юр вөчө,
Керкаысь джуджыдөс
Зорөдьяс тэчө.

Шмонитлө батьёй:
“Турунлөн көрыс
Вөтлысьө во чөж
Тракторёй сьөрысь.”

Ошкана сылөн
Колана уджыс.
Батьёй сьөрысь
Ветлөдлө шудыс.

Рытнас ме сійӧс
Виччыся гортӧ.
Любӧ зэв здукуыс,
Батьӧй кор локтӧ.

— 470. **Кор ывлаын кӧдзыд**

Тӧвся кӧдзыд рытӧ
Ӧдйӧ гортад пыр —
Оз позь ылӧ мунны:
Кынмас кок и ныр.

Пӧрысь пӧчным тӧдӧ
Уна-уна мойд:
Висьталас кӧть помся
Сӧ ветымын вой.

Паччӧр вылӧ каям,
Шоналыштас кок...
Век кӧть мойдӧм кывзы,
Оз кӧ унмыд лок.

Оз тай гӧгӧрвоны

Сьӧкыд тӧдны-велавны,
Мыйла кильчӧ дорын
Оз позь меным келавны
Гӧптын либӧ шорын.

Бать ни мам, дай пӧль ни пӧч
Оз тай гӧгӧрвоны,

Мыйла окота мем тшөтш
Верстьё мортөн лоны.
Пыр со менё лыддьоны
Жеб да ичөт туйын,
И оз лэдзны пөттөдз мем
Купайтчыны юын.

Бать ни мам, дай пөль ни пөч
Оз тай гөгөрвоны,
Мыйла окота мем тшөтш
Верстьё мортөн лоны.
Оз тшөктыны рок пыдди
Пөттөдз кампет сёйны,
И оз лэдзны видзөдны
Телевизор войнас.

Бать ни мам, дай пөль ни пөч
Оз тай гөгөрвоны,
Мыйла окота мем тшөтш
Верстьё мортөн лоны.

Чужан мунымлы ми колам

Мелі шонді лышкыд нюмөн
Пөся чолөмавны рад,
Гуляйтны кө гоҗся луно
Петас миян детскоё сад.

Йөктам-ворсам,
Сылам-олам,
Югыз шонділы
Ми колам!

Медым гажаа да шаня
Быдми ме, и вок, и чой,

Миян муса батыяс-мамъяс
Төждысьоны лун и вой.

Йөктам-ворсам,
Сылам-олам,
Шуда бать-мамлы
Ми колам!

Муслун койө енэж лөзыс,
Муслун вөзйө визув ю.
Радейтө став быдмысь йөзөс
Миян дона чужан му.

Йөктам-ворсам,
Сылам-олам,
Чужан мунымлы
Ми колам!

Энө дойдалөй...

Бара войталас төв вуджөм мысти
Кызлөн зарава,
Пожөмлөн сир,
Козъяс лыс вылын югнитас лысва —
Ловъя пуяслөн шоналөм вир.

Тадзи казытөны миянлы найө:

“Энө дойдалөй,

Ловъяөсь ми.

Сидз нин гым-чардыс шог миян вайө,

Бушков пөрөдлө,

Сотывлө би...”

Энө дойдалөй...

Чужан сиктын менам эм
Радейтана вöv.
Сійö менö виччысьö:
Ме выlö пö сöv.

Збыльысь, вöлыс-чибукуыс
Медся матыс ёрт:
Гöрдлö гора-нимкодя,
Менö аддзас кор.

Лэччöдлывла ю дорö,
Вердла турун-зөр,
Сöмын медся чöскыдыс
Ёртасьöмлön көр.

Менам лызьöй...

Медводдзаысь школа
Öдзöс восьтöм мысьт
Козин пыдди меным
Батьöй ньöбис лызь.

Нырыс ёсь да чатөр,
Тэрыб, быттьö ньöv.
Ыджыд праздник моз жö
Виччыся ме төв:

Кор нин бара, кор нин
Муыс лоас кын?
Кор нин бара, кор нин
Усяс небыд лым?

Кыр йывсянь сэк төвзя, —
Долыд, кыпид лов.
Таысь ыджыд шудыс
Быттьö оз и ков.

Исласигад шонид:
Оз ков, майбыр, пась.
Сэсся вöрса туйöд
Котöртны ме дась.

“Дась пö лызьнас узыны,
Пиным воштис сям” —
Тадзи мукöддырйи
Элясьлывлö мам.
Бать жö менö дорйö:
“Пинявны оз ков —
Гашкö, быдмас Рочев
Либö Бажуков.”

Тшака-вотöса кад

Рам көсйöмөн сьөлөмöй öзьяс,
Кор чуксасьö кос еджыд яг,
Кор парманым лышкыда вöзйö
И быдсяма вотöс, и тшак.

Кöть лысвасö мыйта он пыркöд,
Но кынмöмысь ньöти он пов:
Мед ывлаыс руа и ыркыд,
Но кокниа ветлö на лов.

Быд пожöмсянь сир дукөн öвтö,
Дай апалан ельдöглысь көр,

Көть мудзсө нин пөттөдзыд көвтан,
Но гортад оз мунсы на бөр.

Гожся серпас

Гожомыд көть миян
Чаль чунь кузьта-й эм,
Челядьдырсянь сійө
Медся муса мем.

Дзоридзьяслөн көрыс
Чөскыд овлө век,
Морөс тырнас вөр-ва
Лолавлывлө сэк.

Ставыс сэтшөм муса —
Бөр-ваислысь нюм
Гожомнад оз кусөд
Весиг зэра лун.

Тэнө, пожом лыскөй,
Тэнө, корья вөр,
Көдзыд зэр кө мыськас,
Шонді косьтас бөр.

Асья кыа аддзывны...

Асья кыа югыдгөрд,
Рытъя овлө лөз.
Шонді серти олөны
Чужан сиктса йөз.

Сыкөд өттшөтш водоны,
Өттшөтш садьман кад:
Удж ни гаж оз дзуглыны
Олөмыслысь лад.

Асья кыа аддзывны
Ыджыд көсйөм эм,
Сөмын эз на удайтчыв
Водз садьмывны мем.

Еджыд мойд

Му весьтө өшъяс сэзьдөм вой,
И вөр-ва ланьтас-чөлас,
И синъяс водзын еджыд мойд,
Кор арсянь вуджам төлө.

Став ывла гартас еджыд тшын,
Кыз мойдын, югыд рөмөн.
Коз лапъяс вылө пуксяс лым
Зэв кокни еджыд гөнөн.

И лымйыс — мойд,
И вөрыс — мойд,
Он эскы аслад синлы,
И весиг көдзыдыс оз дойд,
И жугыльтчөм оз инмы.

КЫВБУРА
ВИСЬТЪЯС





Биа Ньöv

Кывбура висът

1.

ожöмын лун төвлөн
Пöльыштöмыс шань.
Войын Лысан вöвлөн
Чужис ичöt чань.

Шондi садьман кадö
Веж туруна сён
Лысан дортi матi
Вуджис сиктса зон.

Аддзис:
Восътлö-куньлö
Синсö ловья лов,
Мортлысь небыд чуньсö
Нёнявны оз пов,
Оз на судзöd ачыс
Мамлысь чöскыд йöv...

Ёртасисны тадзи
Морт
Да чань,
Да вöv.

2.

Кыдзи вежсис чибук,
Кодыр быдмис во:

Некодös оз сибöд,
Тшын-бус төвзё со!

Шöвк кодь шыльыд гöна
Збодер статьис шань,
Кисьмём öмидз рöма,
Кодзув плешка чань.

Öддзöдчас да ордъяс
Лэбачös и төв:
— Аттö, тэрыб бордья,
Аттö, биа ньöv!

Тöдö зонлысь гөлös:
Би ни ва оз пом,
Локтас,
Кодыр вөлös
Чукöстас том зон.
Кутчысьömön гортö
Волывлöны чöv
Янсöдчывтём ёртъяс —
Зон да Биа Ньöv.

3.

Друг тай олём шөрö
Усис сьökыд из:
Дзоридзьяса йөрö
Суйсис пеж фашист.

Лоис стрөг да зэлыд
Миян тыл и фронт,
Пасьтасис шынельөн
Выльыб сиктса зон.

Но оз инась, дольö,
Сьöлöм йирö мöвп:
“Код вылö нö коляс
Менам Биа Ньöв?”

Сотчусь война биас
Быттьö чегöм чаль...”
Сиктса зонлы сийö
Синва петмөн жаль.

Некодлы эз гарав
Ассьыс гуся мöвп:
“Содтыштны кö арлыд,
Чаньысь артмас вöв.

Но, а вöлыд морт моз
Овлывлö салдат.
Гашкö, кызкö ордьям
Стрöг военкомат?”

Кöсйöм збыльмис явö,
Мöд шуöм эз вöв:
“Кавалерияö
Шогмас Биа Ньöв”.

4.

Сьöкыд гожöм бöрын
Букуштчис ар пом.
Сэк Россия шöрын
Гымакылис фронт.

Слöта зэръяс пиö
Вöйтчис му и ва.
Весиг рытъя биас
Кусöдис Москва.

Уна олөм донөн
Водзсасис быд ног
Выльыб сиктса зонлөн
Вөла-йөза полк.

Кор нин усьны пондіс
Көч пель пасьта лым,
Вөлись сувтіс фронтыс,
Пөдіс враглөн вын.

Пышйысь,
Кынмысь,
Лябысь,
Төдліс наян гад
Лэчыд штык,
Ёсь сабля,
Скөрмөм автомат.

Тэрмасьö,
Оз өвсы,
Выныштчө быд ног,
Вөрөг бөрся төвзьö
Вөла-йөза полк.

Зэлөдөм вуж пезьдіс,
Лыбис бушков-төв.
Лымья эрдьяс весьтөд
Лэбзьö Биа Ньöv.

Но лёк рөкыд вылө,
Кодыр кыптö кось,
Пуляыдлөн йылыс
Öтмөдарыс ёсь.

Сюрс снаряд кын мусö
Чашйис-летйис бон...

Юж лым вылө уси
Выльыб сиктса зон.

5.

Уси пемыд йирө,
Луныс лои съод.
Чепөсйөм том вирысь
Еджыд лымйыс гөрд.

Полк суөдны-вөтны
Вөв вылас оз сөв.
Пөла юсь моз өтнас
Колис Биа Ньөв.

Войтыштө лым вылө
Вөвлөн синва моль:
“Садьмы, зонмөй...
Кылан?
Тэнө ме ог колы!”

Пуксис вой шөр бөрын
Повзьөдчана лөнь.
Мортыс дугдiс вөрны,
Едждiс-кельдiс скөнь.

Көдзыд швачкө-дорччө,
Пөльтө йиа төв...
Дона морткөд орччөн
Водiс Биа Ньөв:
Шоныдсө мед босьтас...
Сэсся асьядор
Муртса синьяс восьтiс —
Садь выв воис морт.

Вөвлөн мышку вылө
Кавшасис вель дыр,
Бытгьö ковмис сылы
Кайны джуджыд кыр.

Олөмыс салдатлөн
Муртса сэк эз ор.
Асывнас санбатын
Синсö восьтис морт.

6.

Меддона му вылын
Ёртасьöмлөн дон.
Уна лун-вой тылын
Куйлис доймём зон.

Бурдөдчигөн ёртыд
Босьтö ёртлысь шог...
Арнас вöла-морта
Суөдисны полк.

Сэсся аслас полккөд
Биа Ньöv да зон
Адзылисны Волга,
Лөнъ визула Дон.

Öтув пöсьсö кисьтны
Вичмис лышкыд пай:
Вуджны Днепр и Тисса,
Висла и Дунай.

Синьяс водзын вöлі
Со нин Балатон,

А войналөн гөлөс
Пыр на юргис ён.

7.

Гым шы улын узылём
Эз нин этша вөв.
Шоча-шоча усылё
Пельё пыран чөв,
Кор салдатлы петлө
Збыльысь шойччан лун...
Өтнасөн разведка
Некор син оз кунь.

Өшйис кор му вылө
Енэжлөн сьод вон,
Мунисны враг тылө
Биа Ньöv да зон.

Пакталіс и воши
Рытъя кыа сер.
Туйсö налысь потшис
Минаяса эрд.

Тайö ёрөм эрдсö
Эз на вуджлы морт —
Оз тай пельпом бердö
Быдмы лэбзян борд.

Кор нин гортлань петны
Воис шуда здук,
Поткөдіс ракета
Войся лөньсö друг.

Повзьём немеч лөдіс
Мина да снаряд:

Ставыс тшыно пөдіс,
Гөгөр лои ад.

Биа Ньөв сэк чеччис,
Сувтис кыккокийыв,
Нөйтчис,
Сырмис,
Педзис —
Гымалөм эз кыв.

Вөвлі сюсь и авъя,
Өні — быттьө йөй,
Быттьө сотчө ставнас —
Ва пытшкө көть вөйт:
Гөрдлан вомыс биа,
Сувтса синмыс дон...

Колис мортлөн киө
Орөм сермөд пом.

Веськыда эрд вомөн
Төвзис Биа Ньөв,
Вуджис помсянь помөдз...
Взрыв?..
Но взрыв эз вөв.

Полксыныс ас йөзөс
Коньөр вөв эз төд:
Коддзөм морт моз жөдзө,
Вомсьыс йирө көрт.

Тиралөм оз чөвлы,
Дзөрө быгзьөм вом.
Рөдимеча вөвлы
Воис война пом.

8.

Эз, эз коль йӧз муӧ
Доймӧм ёртсӧ зон:
Чужаніӧ нуис
Найӧс эшелон.

Сиктлань тувсов кадӧ
Восьлалісны чӧв
Ранитчӧм салдат да
Кантузитчӧм вӧв.

Войнаыс кӧть колис
Вунтӧм-бурдтӧм пас,
Овны мирнӧй олӧм
Кыкнанныс на дась.

Ловйӧн кольӧм мортӧс
Дыр на шонтіс мӧвп:
Лэбзьӧ биа-бордъя
Томдыр кадся вӧв.

Шурик да Шарик

Збыль нисьӧ мойд

1.

Оліс-выліс гортын,
Дедӧ-бабӧ ордын,
Ныриса да ён
Шарик нима пон.

Оліс лючки-бура,
Эз тӧд немся шог,

Кытчөдз сылөн гортө,
Пөльө-пөчө ордө,
Гожом шөрын Шурик
Гөститны эз лок.

2.

Өтчөд гожся луно
Пөчө гортысь мунис.
Сэссия петис дед,
Пальөдчыштны мед.

Өткөн кольөм Шурик
Пөсявтөдзыс дурис:
Швачкис чугуны пөдөс,
Джаджйысь лэдзис шыдөс,
Сөйис чери пөк,
Кисьтис тасьтис нөк.

Сэссия джоджө индис,
Понлы тшөктис: “Нюв!”
Нөкнад он пө виньды,
Нөксьыд он пө кув.

Аттө, зонмөй, зонмөй,
Мырдөн төлка понйөс,
Кыдз көть тшөктан мед,
Нинөмысь он верд.

Шурик мавтис пыр жө
Нөкнас понлысь нырсө.

Гортас пырис пөчө,
Кинас шлоп-шлоп вөчис.

Шурик жөдзө татөн,
Рам и шы ни төв,

Быттьö сійö матын
Нöк дорас эз вöв.

Мавтчöм ныра понйöс
Аддзис чуймöм пöч,
Дзизгыны сэк пондiс
Быттьö скöрмöм лöдз.
Сэсса чорыд роскөн
Кучкис понлы коскас.

3.

Никöстiс, и сэтысь
Шарик люньгис-петiс,
Лөгасис — дай пом
Мыжтöг мыждöм пон.

Понлысь никсöм кылис
Джуджыд кильчö пос,
Юалис сэк сылысь
Жалитöмөн моз:

“Мыйла скöрмис пöчным?
Мыйла синмад шог?
Гашкö, мыйкö вöчин
Гортсаыдлы лёк?”

“Поскöй, дона поскöй,
Лёксö эг кöть вöч,
Менö кучкис роскөн,
Гортысь вöтлiс пöч.

Миянын эм Шурик,
Яндзим тöдтöм син,
Сы понда мем сюрис
Гусясьысьлөн ним.

Бытьёкө ме сёйи
Быдса тасьтi нөк,
Бытьё шьдөс койи,
Ректi чери пөк”.

Сэки шензигмоз
Дзуртiс кильчө пос:
“Аттө, көть и ичөт,
Аттө — чаль чунь гыж,
Вожөдөма, видзөд,
Мөдлы ассьыс мыж”.

4.

Шарик водзө мунө,
Юрас сьөкыд думыс.
Паныдасис понлы
Эзысь кока кыдз,
Юасьны тшөтш пондiс:
“Мый нө нормин сiдз?”

“Тыдалө, мем воө
Сьөкыд оланног —
Лөк морт ради лоө
Пыкны ьджыд шог”.

“Збыль өмөй нө сiдз?” —
Шензис еджыд кыдз,
Небыд корья киөн
Жалитыштiс сiйөс.

5.

Шарик довгис водзө
Өшөдөмөн юр,

Кытчөдз сылы воча
Сөстөм ёль эз сюр.

Кыв-вора сөдз ёль
Казявтөг эз коль:
Понлөн синмыс жугыль,
Оланногыс дзугыль...
Юасьё и ёлыс:
“Мыйла горттө колин?”

Ёльлы вочавидзис,
Ставсё восьтіс стөч,
Мыйла шогсьё сідзи,
Мыйла кучкис пөч.

“Та бөрын нө эськө
Горттө он мөй коль?..”
Тельгөмсьыс сэк весиг
Ланьтліс чуймөм ёль.

6.

Мөвпалө и Шурик:
“Тадзтө абу шань,
Мекөд со оз дур нин
Весиг ворсысь кань.
Кытчө дзевсис бара
Мыжтөг мыждөм Шарик?”

Зонка кильчө вылө
Тувчис петігмоз,
Пырысь-пыр жө, кылө,
Киссис дзуртысь пос.

Гири-люки Шурик
Муөдз усис — шняп!

Эз доймы да бур нин,
Дырсо эз и ляб.

7.

Чусмис шонди дзирдыс,
Ланьтис көкны көк...
Мунө Шурик, ниртө
Плешкас чеччөм йөг.

Кыз пу аддзис матысь:
“Кыддзөй, гөдан он,
Ветлывліс-ө таті
Шарик нима пон?”

Кыз пу өвтчис скөра,
Нем эз вочавидз:
Көмтөм кокас ньөрйөн
Сөмын “швич” да “швич”.

8.

Збыль өмөй эз коль нин
Сылөн ньөти ёрт?
Юалис сөдз ёльлысь
Вазьом синма морт:

“Висьтав, татчө Шарик
Кок туйсө эз коль?”
Гудыртчис сэк яра
Сөстөм ваа ёль.

Шурик көсйис юны
Содз тыр көдзыд ва,
Сөмын кысь оз гумовт —
Ваыс быттьө са.

9.

Курыда зэв бөрддзис
Сэки дзоля морт —
Эз на вөвлы ньотчид
Сыкөд татшөмтор:

Некодi тай, вөлөм,
Оз шуны бур кыв,
Ни өти шань сьөлөм
Сы понда оз сыв.

Вөлись гөгөрвоис
Сэки вильыш зон:
Помканас өд лоис
Мыжтөг мыждөм пон.

10.

Ю дорөдз, зэв ылөдз
Ветлис ичөт зон,
Сөмын рытьявылыс
Паныдасис пон.

Шарик век на жугыль,
Корсьөма гож сай...
“Вай жө тэкөд, другөй,
Миритчамөй вай”.

Понсө кутлис зонка:
“Тадзтө ог нин вөч,
Некор нин ме понда
Оз нөйт тэнө пөч!”

Понлы гортлань ликтө:
“Мунам, ёртөй, лок...”

Мөдөдчисны сиктө
Бытьёкө кык вок.

Гажаа зэв кызкө
Өні тельгис ёль,
Жугыльлуныс кызлөн
Ньоти жө эз коль.

Важ моз вөлі дзоньон
Весиг кильчө пос.
Коть эз ичөт донон —
Ладмис мойдын моз.

Йөра

Кывбура висът

1.

Шань да югид тувсов лун,
Мелі шондыслөн нюм.
Весиг пипу кор оз вөрззы,
Бытьё узьө турун сі.
Ньөжйө осьлалісны вөрти
Йөра-мам да сьлөн пи.

Пиыс ичөт
Да зэв мича.
Чужис төрыт
Кыдза вөрын.

Талун кокъяс вылас сувтіс,
Котралө нин пуяс увті.
Мамыс нюлө пөся-пөся —
Светад овны зэв өд лөсьыд.

2.

“Кыш-кыш” кыліс кустъяс сайын.
Повзис йёра: “Мый нө тайö?
Гашкө, кöин?”
Сійö-й эм!
Гöныс — пöим,
Синмыс — ем.

3.

Пипу расö, тöдтöм вөрö
Колис мамтөг ичöt йёра.
Мунö-довгö вывті шог,
Мамтөг овны ок-ок-ок!
Кöть тэ вöрын тшыгла кув,
Кöть пу вылысь лысва нюв.

Рудзалöма вöсни кокыс,
Водіс узыны асьядор.
Йёрапиöс Вөр ты бокысь
Адзис ветлысь-мунысь морт.

4.

Локтіс сиктö вөрса олысь —
Ичöt гöстьöс вердны колö.
Сійöс кытшалісны челядь,
Шыльöдöны сувтса пельöд.

Öти шуö: “Небыд турун
Йёрапиыд сёяс бура!”

Мöд оз лэдзчысь: “Пиньсö видзöd —
Турун сёйны зэв на ичöt!”
Коймöd вайöма нин манка,

Нельёд кыскöма пöсь шаньга,
Витöd — шома рысь,
Квайтöd — рудзөг пызь.

Ланьтлöй, челядь, ланьтлöй чöv —
Сылы колö шоныд йöv.
Сийö көть и вöрса олысь,
Сюр нень помысь вердны колö.

5.

Йöрапиös сиктса челядь
Нимтöмаöсь Сувтса Пельöн.

Сийö быдмис быдса гожöм,
Сувтис кокъяс вылас чожа.
Тотш-тотш локтас челядь дорö,
Нюлö найös, сейны корö
Пипу кор,
Сакар тор.
Сейö бура
Корья турун.
Ваö он кө кисьтышт сов,
Юрсö пыркйö: “Оз мен ков!”

6.

Йöра куканьяскöd олö,
Лудын ветлö гожöмбыд,
Но мед чösмасьыштны солөн,
Сиктö воывлö быд рыт.

И оз кольлы сэтшöм лун,
Медым ыб боктi эз мун.
Мед көть потшös ассьыс джуджыд —
Чеччыштöмөн сийös вуджас.

Сера кукань педзö сэни,
Но йөр вуджны кокыс дженъыд:
Чеччыштлас да усяс бөр,
Суйлас юрсö — оз жö төр.

7.

Чужан сиктын прöстö сідзи
Некодöс ми огö видзöй:
Быд мöс лысьтö йöв,
Турун кыскö вöв.

Сувтса Пельлы таво ар
Вöчим кокныдіник нарт,
Вöчим аслыспöлöс сийöс,
Кутім додьявлыны сийöс.

Сиктсаянь муніг öд оз содлы,
Дышыс петö, лымйö водлас:
Сиктсаянь сийö воськов дас
Вермас мунны быдса час.

Бергöдан кö гортлань нырсö,
Сувтса Пельыд гажмас пыр жö.
Сиктлань лэбö, кызди тöv,
Кызди вужйысь лэдзöм ньöv.
Дышыс быттьö эз и вöвлы —
Сöмын удит нартиö сövны.

8.

Кызди пожöм косьмас — пöрас,
Сылön орьяссяс кö вуж,
Чужан вөр-ватöгыс йöра
Сідз жö овнысö оз куж.
Мед кöть сиктын вичмö сылы

Небыд нянь да пөжөм зөр,
Век жө йөралөн дум вылас
Пелысь кор да пипу вөр.
Гортсянь ылө муніс өтчыд,
Вуджис уна нюр да көдж.
Ичөт ыргөн көлөкөльчик
Ветліс вөрті сыкөд тшөтш.

Көсьяс гыжъялыштны сюрсө —
“Тинь да тонь!”

Көсьяс пыркөдыштны юрсө —
“Тинь да тонь!”

Куйліс Сувтса Пель нюр бокин,
Көлөкөльчик узис чөв.

Локтіс сы дорө кузь кока,
Абу мөс ни абу вөв.

Вожа сюра,

Ыджыд юра,

Вөсньыд кока,

Рудов бока.

Мыйён аддзис, зэв тай пельк,
Сувтіс — чеччис Сувтса Пель.

Көлөкөльчик садьмис, кылө,

Шыыс юргө ылө-ылө:

“Тинь да тонь!”

“Тинь да тонь!”

Повзис йөра,

Пышйис вөрө.

9.

Вөрса воккөд аддзысьлөмыс
Сувтса Пельлөн дыр эз вун.

Пыді вöрысь корсис öнöдз
Ас коддьöмсö лунысь-лун.

Быдса гожöм ветлис тадзи,
Кытчöдз вокъяссö эз аддзы.

Вöрса йöраясыс ордын
Сувтса Пельным быттьö гортын:
Ветлö накöд öти туйöд,
Öти ёлысь васö юö,
Öти пуысь кульö кырсь
Öтилаын узьöм мысьт.

Но кор чöсмасьыштны колö,
Йöра öтнас сиктö волö.
Мукöдьясыс, дерт, сы бöрся
Петавлывлöны жö вöрсянь.
Сöмын аддзасны кö сикт,
Полысь кöчьяс коддьöсь дзик:

Ставныс видзöдöны вöрö,
Ставныс петитчöны бöрö.
Найö эз тöдлыны нэмыс
Нурья ва ни чöскыд нянь,
И мый мортлөн кийс небыд
Да и нюмыс овлö шань.

Йöра важөн вöрö мунис,
Но көн быдмис, эз на вунöд:
Тöv и гожöм сиктö волö,
Сиктсянь неылын и олö.

НОДКЫВЪЯС





**Ичӧт вокӧй,
тӧдмав, ноко...**

Нӧдкывъяс

з ков чер, ни оз ков кӧрт тув —
Ставсӧ вермас йитны ӧтув:
Юяс вомӧн ворсиғмоз
Ӧти войӧн вӧчас пос.

(Кӧдзыд)

Быттьӧ миян весьтын, ылын,
Керасьӧны енӧж вылын:
Быд во арнас ыб и яг
Вевттьӧ гӧн кодъ еджыд чаг.

(Лым усьӧм)

Лӧзов дӧра вылӧ войын
Кодкӧ югыд анькытш койис.

(Кодзувъяс)

Ӧта-мӧд выланис найӧ
Видзӧдӧны сӧ во сайӧ,
Но оз ӧтласьны кык вок —
Некод мӧд дӧнас оз лок.

(Ю берегъяс)

Куйлӧ муын, но он кыпӧд
Да и вуштыны оз позь,

Воськовтан кө — сөмын ськөд,
Тэ он вөрзы — сійө оз.

(Вуджөр)

Вөр-ва весьтө өшөдчывлө
Уна рөма югыд мегыр.
Сөмын кор тай пемдас ывла,
Мича мегыр
Вошө регыд.

(Өшкамөшка)

Ывлаыс кор абу көдзыд на,
Быдөн пасьтасьөма-вөччөма,
А кор усяс лым да пуж,
Паськөм абу —
Ставыс куш.

(Коръя пуяс)

Гожся войын турун пөвстын
Уна югыд эзысь моль,
Төлысь аддзө, но оз босьтав,
А вот шондід оз коль.

(Лысва)

Пөдса өшиньыд көть осьса,
Сійө тэнсьыд унтө босьтас:
Лунтыр нюмсө вөзьяс тэд.
Рытөдз керкаысь оз пет.

(Шонді югөр)

Ставлы тōдса, дерт,
Гōрд пальтоа дед:
Быдōнōс тай бōрддзōдас,
Коді сійōс пōрччōдас.

(Лук)

Стенъяс турунвижōсь,
Абу ньōти о́дзōс.
Керка пытшкас видзō
Арōдз еджыд йōзōс.

(Огурцы)

Му пытштіыс ветлō,
Гōрд шляпаа петлō
Вōрын ичōт зон.
Сійōс тōдан он?

(Тшак)

Мунас-мунас —
Мудз оз шед,
Вундас-вундас —
Вир оз пет.

(Пыж)

Кынōм тырыс ва,
Биа сьōлōма,
Зарни сьлōн паськōм —
Быд лун шонтō асьсō.

(Самōвар)

Көть и китөм,
Көть и коктөм,—
Кытчө ыстан,
Ветлас-локтас.

(Письмө)

Эмось бордьяс,
Но оз лэбав.
Кокыс абу,
Но зэв тэрыб.

(Чери)

Ачыс эськө ичөт,
Но мед вөлін мича,
Сылөн ёсь да югыд йылыс
Паськөм дорад инмөдчыліс.

(Ем)

Быдмө пожөм
Дас кык вожа,
Быд вож вылын чаллыс нёль,
Быд чаль вылын сизим коль.

(Во, төлысь, вежон, лун)

Юриндалысь

Кывбурьяс

Во гөгөр	4
Тулыс	5
Тувсов кадö	5
Ытва дырйи	6
Сырчик	7
Дзоридзалысь льöм	7
Ми вöчам зарядка	8
Гожöм	8
Гожся луно	9
Пожöм	10
Сэтöр либö петшöр?	10
Бöрдясь-няргысь	11
Ягын петис дона гоб	12
Пармаса ёль	13
Сылан-ворсан праздник	13
Кöчильöй-чойильöй	14
Ар	15
Колип, колип	16
Адзысьлытöдз, лэбачьяс!	17
Спутник	17
Сюрук	18
Катшыс	18
Бадь пу пöлян	19
Тöв	20
Төлöй, төлöй	21
Вöсни кока истан	22
Кокни бордъя лым чирьяс	22
Йиа кыр	23
Даддя поезд	24
Куслытöм би	24
Артекын	25

Узылан жырыё пырас ун	26
Тракторист	27
Кор ывлаын көдзид	28
Оз тай гөгөрвоны	28
Чужан мунымлы ми колам	29
Энө дойдалөй	30
Вөв	31
Менам лызьөй...	31
Тшака-вотөса кад	32
Гожся серпас	33
Асъя кыа аддзвыны...	33
Еджыд мойд	34

Кывбура висътъяс

Биа Ньөв	36
Шурик да Шарик	44
Йөра	51

Нөдкывъяс

Ичөт вокөй, төдмав, ноко...	58
-------------------------------------	----

Для детей младшего школьного возраста
Литературно-художественное издание

Ванеев Альберт Егорович

ЛЁГКИЕ СНЕЖИНКИ

Стихи, рассказы в стихах, загадки

На коми языке

Редактор *А. В. Тентюков*

Художник *В. А. Клейман*

Художественный редактор *Г. Н. Шарипков*

Технический редактор *З. А. Поздеева*

Компьютерная верстка *В. В. Осипов*

Корректор *Н. Ф. Габова*

ЛР №010039

Сдано в набор 7.12.95. Подписано к печати 15.03.96.
Формат 60x84/16. Бумага офсетная. Гарнитура Таймс.
Печать офсетная. Усл. печ. л. 3,75. Усл. кр.-отт. 7,67. Уч. -
изд. л. 2,5. Тираж 2000. Заказ 1436. Отпечатано в Кировской
областной типографии. 610000, г. Киров, Динамовский пр., 4

